



COMUNU DE CERÀXIUS
STATUTU COMUNALI



COMUNU DE CERÀXIUS

Provìntzia de Casteddu

STATUTU COMUNALI

*(Aprovau su 20 de su Mesi de Ladàmini 2008 cun
Delibera C. C. n. 96/2008 e mudau cun Delibera C. C.112/2010)*



COMUNU DE CERÀXIUS

STATUTU COMUNALI

TÌTULU I. FUNTZIONAMENTU E AUTONOMIA DE S'ENTI

CÀBUDU I. PRINTZÌPIUS E ARROLU DE S'ENTI

Artìculu 1. Printzìpius e elementus costitutivus.

- 1.** Su Comunu de Ceràxius est Enti Autònomu Locali, rapresentat a sa Comunitàdi de cussus chi bivint in su territòriu comunali, ndi coidat is interessus, ndi impellit s'adelantamentu econòmicu, culturali e sotziali in armonia cun sa Costitutzioni e cun is printzìpius generalis chi pertocant a sa organizatzioni pùblica. Ispirat su traballu cosa sua a is printzìpius de agualesa, solidariedadi, sussidiariedadi e oportunitadadis agualis; favoressit is iniziativas autònomas de is tzitadinus a solus o assotziaus; si fait garanti, po cussu chi est de competèntzia sua, de is deretus e de sa biatzesa de totus is tzitadinus.
- 2.** Su Comunu ponit a fundòriu de su traballu de governu sa manera de sa programatzioni; custa est fundada apitzu de allegas de atùliu, eficatzidadi e economicidadi.
- 3.** Is tareas e is indiritzus de sa programatzioni de s'Enti funt amostaus in sa relata previsionai e programàtica.
- 4.** Su Comunu si imbòrdigat a impelli e/o a arriciri dònna iniziativa chi punnat a afortiai e cumpriri sa specificidadi e identidadi locali cosa sua aintru de s'àrea manna metropolitana e a si alliongiai cun is atrus Entis Localis.
- 5.** Su Comunu amparat s'asienda territoriali cosa sua cumentu logu de arricchesa e de adelantamentu a profetu de totu sa culletividadi; s'atividadi amministrativa intzaras est apariciada po assegurai custu printzìpiu.

Artìculu 2. Printzìpius ispiradoris.

- 1.** Su Comunu de Ceràxius, comunitàdi chi fundat sa vida tzitadina cosa sua apitzu de is baloris de paxi in su marcu de una sotziedadi multiètnica, multiratziali e multireligiosa, in sa cumpridura de is funtzionis cosa sua e cun sa tarea de favoressi s'arrespetu prenu de is deretus de fundòriu de is tzitadinus:
 - a) punnat, impari cun su Stadu, sa Regioni e sa Provìntzia, a aconciai sa atividadi econòmica pùblica e privada po barigai is diferèntzias sòtziu-econòmicas de sa comunitàdi;
 - b) arreconoscit sa tzentralidadi de sa persona e sa dinnidadi sua, ndi impellit sa balorizatzioni, po ndi favoressi s'adelantamentu liberu e po ndi amparai sa saludi;
 - c) arreconoscit e amparat a sa famìllia e ndi assegurat agiudu in s'imbordigamentu de coidu e educatzioni de is fillus, puru atruessu de sa atividadi e s'agiudu de is



COMUNU DE CERÀXIUS

STATUTU COMUNALI

- organizatzionis sotzialis e de su boluntariu;
- d) arreconoscit cumenti l'ìnia ghia de su traballu de governu cosa sua su printzìpiu de sussidiariedadi, favoressendi sa bonesa de su tzitadinu a solu o de is assòtzius de cumpriri tareas e atividadis de importu sotziali e de interessu culletivu.
 - e) assecurat e balorizat su deretu de is tzitadinus, de is comitaus de bixinau, de is fortzas sotzialis, econòmicas e sindacalis de pigai parti e de agiudai a cumpriri e castiai s'atividadi polìtica e amministrativa, asseguendi una informatzioni prena e apresiada;
 - f) cumprit polìticas de paridadi e arreconoscit sa diferèntzia de gèneru cumenti balori e risorsa impellendi stremus positivus cun sa tarea de bogai totus is strobos a sa cumpridura de is pari oportunitadis. Favoressit sa amostadura prena e paridària de totus is tempus de vida, aconcendi a custa tarea puru is tempus e is maneras apariciadoras de sa Amministratzioni cosa sua;
 - g) assecurat su deretu de totus a sa frunidura de is servìtzius, impellit is inìtziativas prus mannas po s'agiudu, s'integratzioni sotziali e is deretus de sa genti malisana, cuncordat cunditzionis favoràbilis a su barigamentu de is handicap, de is acontèssius de sbantaxu, de deviantza e de strobu giovanili, de sa pipialla e de is bècius;
 - h) impreat, in cullaboratzioni cun su Stadu, sa Regioni e sa Provìntzia, is medidas arrechèdias a sa chistidura e sa balorizatzioni de s'asienda stòriga, artìstica, archeològica, naturalìstica de is atividadis agrìculas e artesanalis tìpicas de su logu, favoressendi-ndi s'arreconoscimentu e sa spratzinadura;
 - i) cuncurrit a s'amparu de s'ambienti cumenti beni e risorsa de sa culletividadi, presenti e benidora, po una crescidura progressiva de sa calidadi de sa vida e po s'amparu de sa saludi de is tzitadinus;
 - j) impellit e cumprit unu assentu orgànicu de su territòriu, apariciat sa localizatzioni de is residèntzias, de is servìtzius e de is atividadis produssidoras;
 - k) favoressit totus is inìtziativas chi punnant a sa balorizatzioni, s'amparu e sa spratzinadura de sa cultura de su logu, cun riferimentu particulari a sa lingua e a is costumàntzias. In is setziadas de su Cunsillu Comunali e de is Òrganus Cullegialis, podint èssiri impreadas de manera libera sa lingua sarda e cussa italiana. Sa scridura de is processus verbalis e sa formulatzioni de is àutus ufizialis de is Òrganus ant a èssiri in lingua italiana e in acontèssius particularis in lingua sarda puru;
 - l) cuncurrit a sa formatzioni educativa, culturali e sportiva de is tzitadinus e, in acòrdiu cun is istituzionis scolàsticas e cun is entis e is assòtzius chi ddoi funt in su territòriu, cumprit inìtziativas chi assecurant su deretu a su stùdiu e a s'educatzioni permanenti e s'adelamentu psico-fìsicu e sotziali de dònna tzitadinu;
 - m) promovit sa balorizatzioni de su traballu; cun custa tarea apariciat e prèmiat polìticas de imparamentu, traballu e amparu de is traballadoris, cumprèndius puru is traballadoris stràngius.



COMUNU DE CERÀXIUS

STATUTU COMUNALI

Artìculu 3. Stema e Gonfaloni

1. Su Comunu de Ceràxius tenit cumenti marcus amostadoris su stema e su gonfaloni, arreconnotus cun D.P.R. 31 de mes'e ladàmini 1998, cumenti amostaus in su alliongiu A.
2. S'impreu de su Stema e de su Gonfaloni est disciplinau de sa Lei e de su Regulamentu.

Artìculu 4. Sedi Comunali

1. Su Comunu tenit sa sedi cosa sua in sa Domu Comunali, aundi ddoi funt is Òrganus políticus printzipalis e si faint is atividadis istitutzionalis; impreat sa Bandera de sa Repùblica, de sa Bandera de sa Regioni Autònoma de Sardìnnia, de sa Bandera de sa Unioni Europea, sighendi sa disciplina vigenti chi ddi pertocat.
2. Po apretus particularis e sprigaus su Cunsillu comunali e sa Giunta comunali si podint acorrai in atru logu.

Artìculu 5. Profilus de autonomia

1. Su Comunu tenit poderiu prenu e regulamentari in is allegas de fundòriu e is funtzionis cosa sua, chi cumprit arrespetendi is normas statutàrias, cunforma a s'artìculu 117, comma 6, de sa Costituzioni, mentras in sa cumpridura de su poderiu giai numenau, in su sìtiu de is matèrias o de is funtzionis arricias o entregadas, traballat arrespetendi is printzìpius frimaus de sa lei comunitària, statali e regionali.
2. Is Regulamentus cunsillaris podint èssiri liaus a connoscèntzia de sa genti cun setziadas cunsillaris obertas, po ndi acrarai is cuntènnius e is allegas prus de importu.
3. Su Comunu in sa cumpridura de sa atividadi cosa sua:
 - a) apitzu de autonomia normativa, amparat a sa famillia (de manera prioritària), sa dinnidadi e sa calidadi de sa vida de dònna tzitadinu e in manera particulari de is malisanus, de is pipius, de is bècius e de is fscias prus dèbilis;
 - b) apitzu de autonomia apariciadora-aministrativa, impreat scioberus ogetivus imperendi sa discretzionalidadi politicu-gestionali, sighendi is allegas de imparzialidadi, trasparèntzia e funtzionalidadi;
 - c) apitzu de autonomia imposidora-finanziària, imbiat is risorsas cosa sua prus chi totu a sa bogadura de arresciduras econòmicas e sotzialis chi strobant a s'adelantamentu prenu de sa persona; impreat normas chi permitant s'adelantamentu econòmicu de su territòriu; previdit agiudus fiscalis, chi favoessant su territòriu comunali po sa apariciadura de atividadis econòmicas, culturalis e sotzialis chi donint adelantamentu.

Artìculu 6. Funtzionis e servìtzius

1. Su Comunu si chistit, cun sa podestadi regulamentari, de cuncordai s'apariciadura, sa cumpridura e sa gestioni de is funtzionis cosa sua, cumenti puru de cussas entregadas o arricias in su sìtiu de sa Legislatzioni de su Stadu e de sa Regioni.
2. Su Comunu, in sa gestioni de is servìtzius pùblicus de su logu, persighit a is tareas de sa



COMUNU DE CERÀXIUS

STATUTU COMUNALI

agualesa, de sa legalidadi, de s'eficatzidadi, siat gestionali e siat sotziali, de s'atùliu, de s'accessibilitadi, de sa trasparèntzia e de sa economicidadi.

3. Su Comunu favoressit e impellit s'organizazioni de is servìtzius gestius de manera autònoma de sa sotziedadi tzivili, atruessu de is componentis diferentis cosa sua.

Artìculu 7. Carta de is Servìtzius

1. Su Comunu si apariciat una Carta de is Servìtzius.

2. Sa Carta de is Servìtzius arreconoscit, fait pùblicas e assegurat is maneras de impreu de su servìtziu e is allegas de is calis dipendit sa calidadi cosa sua, previdit maneras profetas de arreconòscida de su tanti de prexiu de s'impreadori, previdit is mecanismus de amparu po is impreadoris e is stremus de reclamu e de scrucullu e ndi assegurat sa informatzioni prena.

3. Dònna enti spratzinadori de servìtzius pùblicus impreat una Carta de is Servìtzius cosa sua, arrespetendi is allegas chi funt aintru de su comma de innantis.

Artìculu 8. Adeguamentu a su Statutu de is deretus de su contribuidori

1. Su Comunu po cussu chi pertocat a is tributus localis acònciat is regulamentus e is ordinamentus cosa sua a is allegas generalis de garantzia de is deretus de su contribuidori.

Artìculu 9. Normas a amparu de is malisanus.

1. Is regulamentus de su Comunu arreconoscint mecanismus profetus de coordinamentu de is interbènnidas de assistèntzia, integratzioni sotziali e amparu de sa genti malisana impari cun is servìtzius sotzialis, sanitàrius, culturalis, educativus e de su tempus liberu, chi ddoi funt in su territòriu comunali.

Artìculu 10. Relatas cun Entis e Istituzionis

1. Su Comunu impellit sa cullaboratzioni cun atrus Entis e Istituzionis cun is maneras e po is tareas previdias de sa Lei, cun sa tarea de apariciai servìtzius prus profetus.

Artìculu 11. Gemellàgiu/Goparàgiu

1. Su Comunu de Ceràxius podit, cun deliberatzioni arrexonada de su Cunsillu Comunali, a si gemellai cun atras tzitadis italianas o stràngias a is calis est alliongiu de relatas particularis culturalis, sotzialis, econòmicas, territorialis e geogràficas.

Artìculu 12. Deretu a s'informatzioni.

1. Su Comunu arreconoscit, assegurat e promovit su deretu de su tzitadinu a èssiri



COMUNU DE CERÀXIUS

STATUTU COMUNALI

informau de manera cumpria e obietiva apitzu de s'atividadadi de is Òrganus e de is Ufitzius, cumenti puru apitzu de dònna atra cosa chi pertocat a s'Aministratzioni, cumenti trastu arrechèdiu po sa apariciadura de sa trasparèntzia amministrativa prena.

2. Su Comunu apariciat s'Ufitziu po s'Informatzioni e s'Ufitziu po is Relatas cun su Pùblicu.

Artìculu 13. Albu Pretòriu de su Comunu.

1. Su Comunu arreconoscit logus bonus e trastus aconciaus beni de ponni in su Albu Pretòriu de su Comunu po is publicatzionis chi sa Lei, su Statutu e is Regulamentus Comunalis prescriint.

2. Depint èssiri asseguradas sa acessibilitadi, s'interesa e sa simpresa de ligidura de is medas documentus; is arrègulas de ditallu ant a èssiri aciadadas de unu Regulamentu apòsitu.

3. Sa Segreteria Generali de su Comunu coidat sa tentura de s'Albu Pretòriu e sa posidura currìgia de is àutus chi depint èssiri publicaas.

4. Totus is Regulamentus Comunalis, deliberaus de s'òrganu cumpetenti, funt publicaas in s'Albu Pretòriu de su Comunu po 15 diis sighius cun avisu cuntemporàneu a sa genti.

5. Is Regulamentus intrant in vigori, a doras de is disposiduras de lei diferentis, sa prima dii apustis de cussa de scadèssida de is trèminis de publicatzioni.

CÀBUDU II. SERVÌTZIUS PÙBLICUS LOCALIS.

Artìculu 14. Servìtzius pùblicus localis.

1. Sa arricidura de servìtzius pùblicus po parti de su Comunu, chi funt sa produssidura de cosas e ativadis chi tenint tareas sotzialis e chi bolint impelli a s'adelantamentu econòmicu e tzivili de sa comunidadi, est apariciada, sempri chi is ativadadis imbordigadas no potzant èssiri fatas in regime de cuncurrèntzia, atruessu de is maneras previdias de sa li e tenit sa tarea de assegurai sa regularidadi, sa sighidura, sa economicidadi, sa calidadi de is prestatzionis in cundizionis de agualesa.

2. Su Comunu podit gestiri is servìtzius pùblicus localis chene importu econòmicu de manera indereta o dereta. Sa gestioni de manera indereta si podit cumpirri cun sa entrega a atrus, cunforma a is normas vigentis apitzus de su scioberu de su cuntraenti, o puru atruessu afilladuras deretas a sugetus apariciaus o partitzipaus, de manera prevalenti, de s'Enti. Sa relata intre su Comunu titulari de s'atividadadi e s'afilladori o su cuncessionàriu est arregulau cun cuntratu de servìtziu, aundi funt acrarau, intre is atras cosas, is indiritzus e is maneras de scrucullu chi tocant a s'Enti, su tempus de cussa afilladura, is livellus de calidadi de sa spartzidura e de sa professionalidadi de is incarrigaas. Sa gestioni de manera dereta podit èssiri impreada candu, po is medidas piticas de su servìtziu o po is carateristicas de s'atividadadi, no siat prefotosu sighiri a innantis cun s'afilladura de manera



COMUNU DE CERÀXIUS

STATUTU COMUNALI

indereta.

3. Su scioberu de is maneras de gestioni est fatu de su Cunsillu Comunali, cun provedimentu arrexonau, sighendi valutatzionis de profetu, de cumbenièntzia econòmica e de atùliu de gestioni, castiendi beni sa genia de is servìtzios de spratzinai e a is interessus pùblicos berus de punnai.

4. Est proibida sa partecipazioni de Aministradoris e Dirigentis de su Comune, cumentis puru de familiaris insoru o parentis de intradura aintru de su de cuàturu gradu, a is ògranus de gestioni de is servìtzios pùblicos affillaus de su Comune e totu.

Artìculu 15. Aziendas spetzialis.

1. Po sa gestioni puru de medas servìtzios, cun sa escludura de cussus prevìdius de is normas vigentis, su Cunsillu Comunali podit deliberai sa apariciadura de una azienda spetziali, chi portat personalidadi giurìdica e de autonomia imprenditoriali, aprovendi-ndi su Statutu.

2. Funt òrganus de s'azienda su Cunsillu de Aministratzioni, su Presidenti e su Diretori:

- a) su Cunsillu de Aministratzioni est numenau de su Sìndigu in mesu a cussus chi, eligìbilis cumentis Cunsilleri, tenint una cumpetèntzia spetziali tènnica e amministrativa po is stùdius chi ant fatu, po is funtzionis cumprias aintru de aziendas pùblicas o privadas o p is ufìtzios tentus. Sa cumposidura numèrica est cuncordada de su Statutu Aziendali, de nùmeru aguali e no prus mannu de ses, asseguendi sa presèntzia de ambus duus is sessus.
- b) su Presidenti est numenau de su Sìndigu e depit tenni is pròpius requisitus prevìdius de su puntu a) innoi apitzu.
- c) a su Diretori est entregada sa diretzioni gestionali de s'azienda cun sa responsabilidadi chi sighit.

3. Su Statutu de s'azienda cuncordat is cunditzionis e is maneras po s'affilladura de s'incàrrigu a su Diretori, cun cuntratu a tempus determinau, a persona chi tèngiat sa professionalidadi netzessària.

4. No podint èssiri numenaus membrus de su Cunsillu de Aministratzioni is membrus de sa Giunta e de su Cunsillu Comunali, is sugetus chi rapresentant giai a su Comune in atrus Entis, Aziendas, Istitutzionis e Sotziedadis, cussus chi funt brighendi cun s'Azienda, cumentis puru is titularis, is assotziaus responsàbilis limitatamenti, is aministradoris, is dipendentis cun poderius de rapresentàntzia e de coordinamentu de impresas chi faint atividadis cuncurrentis o de dònna manera allongiadas a is servìtzios de s'azienda spetziali.

5. Su Sìndigu, cun decretu arrexonau, podit bogai a su Presidenti e a su Cunsillu de Aministratzioni e, a cussu tempus e totu, numenai is sighidoris.

6. Is dimitiduras de su Presidenti de s'Azienda o de prus de sa mitadi de is membrus efetivus de su Cunsillu de Aministratzioni ocasionat sa decadèssida de su Cunsillu intreu.

7. S'ordinamentu de s'Azienda spetziali est cuncordau de su Statutu, aprovau de su Cunsillu Comunali a majoria prena de is Cunsillaris imbordigaus in su Comune.

8. S'organizatzioni e su funtzionamentu funt cuncordaus de s'azienda e totu cun Regulamentu cosa sua.



COMUNU DE CERÀXIUS

STATUTU COMUNALI

9. S'azienda cunformat sa atividadi cosa sua a allegas de eficatzidadi, atùliu e econimicidadi e tenit su cumandu de su aparixu intre gastus e godàngius, cumprèndius puru is trasladamentus.

10. Su Comune entregat su capitali de dotatzioni, sciobrat is tareas e is indiritzus, aprovat is àutus de fundòriu, cumprit sa vigilàntzia, averìguat s'arresultau de sa gestioni e providit a sa crobetura de is gastus sotzialis chi podint acontèssiri.

11. Po is tareas de su comma innoi apitzu, funt de fundòriu custus àutus:

- a) su pianu-programa, chi imbòrdigat a unu cuntratu de servìtziu chi cuncordit is relatas intre s'enti locali e s'azienda spetziali;
- b) is balanzus econòmicus de prevididura pluriennali e annuali;
- c) su contu consuntivu;
- d) su balanzu de esercìtziu.

12. Su Statutu de s'Azienda spetziali providit unu òrganu apòsitu de revisioni de is contus e maneras autònomas de averiguadura de sa gestioni.

Artìculu 16. Istituzionis

1. Po sa cumpridura de is servìtzios sotzialis chene importu econòmicu, su Cunsillu Comunali podit apariciai Istituzionis apòsitas, Organismus strumentalis de su Comune, chi portant sceti sa autonomia gestionali.

2. Funt òrganus de is Istituzionis su cunsillu de Aministratzioni, su Presidenti e su Diretori. Su nùmeru, no prus mannu de ses, de is cumponentis de su Cunsillu de Aministratzioni est scioberau, cun s'àutu istitudori, po parti de su Cunsillu Comunali.

3. Po sa numenada e sa bogadura de su Presidenti e de su Cunsillu de Aministratzioni si impreant is disposiduras previdias po is Aziendas Spetzialis.

4. Su Diretori de s'Istituzioni est s'Òrganu chi arricit sa diretzioni gestionali, cun sa responsabilidadi chi s'ghit; est numenau de s'Òrganu cumpetenti apustis de unu cuncursu pùblicu.

5. S'ordinamentu e su funtzionamentu de is istituzionis funt cumandaus de custu Statutu e de is Regulamentus Comunalis. Is Istituzionis persighint, in sa atividadi cosa sua, allegas de eficatzidadi, atùliu e econimicidadi e tenint su cumandu de s'aparixu de sa gestioni finantziària asseguarau atruessu de s'echilibriu intre gastus e godàngius, cumprèndius puru is trasladamentus.

6. Su Cunsillu Comunali ocasionat is tareas e is indiritzus de is Istituzionis, indi cuncordat is mesus finantziàrius e is estructuras entregadas, ndi aprovat is àutus de fundòriu; cumprit puru sa billada, averìguat is arresultaus de sa gestioni e providit a sa crobetura de is gastus sotzialis chi nci podint èssiri.

7. Po is tareas de su comma de innantis funt de fundòriu custus àutus:

- a) su pianu-programa, chi imbòrdigat a unu cuntratu de servìtziu chi cuncordit is relatas intre s'enti locali e s'Istituzioni;
- b) is balanzus econòmicus de prevididura pluriennali e annuali;
- c) su contu consultivu;
- d) su balanzu de esercìtziu.

8. S'Òrganu de revisioni econòmicu-finantziària de su Comune cumprit is funtzionis cosa



COMUNU DE CERÀXIUS**STATUTU COMUNALI**

sua puru bia a is Istitutzionis.

Artìculu 17. Sotziedadis.

1. Po sa cumpridura de is servìtzius pùblicus e po sa cumpridura de is obras netzessàrias a sa cumpridura currìgia de su servìtziu, cumentu puru po sa cumpridura de infrastruturas e atras obras de interessu pùblicu, chi no capint, cunforma a sa legislatzioni statali e regionali vigenti, me is cumpetèntzias istituzionalis de atrus Entis, su Comune podit apariciai sotziedadis apòsitas.



COMUNU DE CERÀXIUS

STATUTU COMUNALI

TÌTULU II. PRINTZÌPIUS DE ORGANIZAZIONI DE S'ENTI.

CÀBUDU I. ÒRGANUS POLÌTICUS

Artìculu 18. Òrganus de su Comunu

1. Funt òrganus de Governu de su Comunu su Cunsillu, sa Giunta, su Sindigu.

Artìculu 19. Su Cunsillu Comunali.

1. Su Cunsillu Comunali est Òrganu eletivu de rapresentàntzia democràtica de sa Comunità; tenit unu Presidenti e duus Vice Presidentis, eligius in sa setziada de aposentamentu.

2. Su Cunsillu Comunali fait tareas de indiritzu, programatzioni e de scrucullu políticu amministrativu e est titolari de is funtzionis entregadas de custu Statutu, de sa Lei e de sa Costituzioni Italiana.

3. Su Cunsillu Comunali aintru de sessanta diis de s'aposamentu cosa sua:

- a) agatat is Cumissionis Cunsillaris, de apariciari aintru suu cun su scioberu proporzionali, is Cumitaus e dònna atru Òrganu Cullegiali.
- b) ponit indiritzus, maneras e proceduras po sa publitzidadi e sa trasparèntzia de is nòminas e de is incàrrigus de aforas de rapresentàntzia de su Comunu.

4. Su Cunsillu Comunali gosat de sa autonomia apariciadora e funtzionali po sa cumpridura de sa cali ant a èssiri asseguradas, in su tempus de sa programatzioni, trastus e risorsas finantziàrias cumpatìbilis cun is risorsas de balanzu a disposidura.

Artìculu 20. Ufitziu de Presidèntzia.

1. Su Presidenti de su Cunsillu e is duus Vice Presidentis de su Cunsillu faint s'Ufitziu de Presidèntzia.

2. A su mancu unu de is duus Vice Presidentis depit èssiri amosta de sa minoria.

3. Si pigat is funtzionis de Vice Presidenti Vicàriu su Vice Presidenti Bèciu po lei.

4. Is funtzionis specifìcas de s'Ufitziu de Presidèntzia funt cuncordadas de su regulamentu de su Cunsillu.

Artìculu 21. Setziadas Cunsillaris.

1. Su Cunsillu Comunali si acorrat, in prus chi in is acontèssius prevèdius de sa lei, a su mancu una borta a su mesi, aforas de su tempus de is fèrias.

2. Is acorradas de su Cunsillu Comunali benint tzerriadas de su Presidenti de su Cunsillu.

3. In acontèssiu de pedidura de su Sindigu o de unu cuntu de is Cunsillaris imbordigaus, sa setziada depit acontèssiri aintru de binti diis de sa pedidura, cun fichidura in s'òrdini de sa dii de is chistionis pedias.

4. Is setziadas de su Cunsillu Comunali funt pùblicas, aforas de candu, a pustis de su scioberu de su Presidenti de su Cunsillu, de acòrdiu cun sa cunferèntzia de is Capigruppo, depint èssiri chistionadas allegas chi potzant nòxiri a sa onorabilità de calincunu o in is



COMUNU DE CERÀXIUS

STATUTU COMUNALI

acontèssius prevèdius de su Regulamentu.

5. Po sa balidesa de is setziadas de prima tzerriada est arrechèdiu unu quorum costitutivu aguali a sa mitadi de is Cunsilleris imbordigaus; in sa segunda tzerriada unu tèrtziu de is Cunsilleris imbordigaus.

6. Su regulamentu de su Cunsillu Comunali cuncordat is maneras po sa tzerriada de su Cunsillu Comunali, po sa presentada e su chistionu de is propònnidas e po sa apariciadura de is verbalis relativus.

7. Podint èssiri tzerrius Cunsillus Comunalis obertus, candu arresonis de interessamentu generali ddu pidant, a scioberu de su Sindigu, de su Presidenti de su Cunsillu o de unu tèrtziu de is Cunsilleris.

Artìculu 22. Funtzionamentu de su Cunsillu Comunali.

1. Su funtzionamentu de su Cunsillu Comunali est ogetu de Regulamentu apòsitu, aprovau a majoria prena, sighendi custus caminus:

- a) garantia de autonomia funtzionali e apariciadora;
- b) simplificadura de is protzeduras de is traballus cunsillaris e de is cumissionis;
- c) programatzioni de is traballus chi punnant a assegurai s'arresultau de is provedimentus aintru de trèminis scioberaus;
- d) prevididura de is maneras de spratzidura de is risorsas entregadas po su funtzionamentu de su Cunsillu;
- e) seguràntzia de informatzioni profetosa dèpida a is Cunsilleris apitzus de is àutus de s'Aministratzioni.

Artìculu 23. Presidèntzia de su Cunsillu comunali.

1. Su Presidenti de su Cunsillu est eligiu a majoria calificada de is duus tèrtzius de is componentis de su Cunsillu in sa prima votatzioni; me is votatzionis sighidoras at a abastai sa majoria prena.

2. A su Presidenti est resguardada sa tarea de assegurai sa cumpridura currìgia de is traballus, assegurendi sa dinnidadi personali, s'arrolu politicu e is mandus de dònna Cunsilleri, cun is maneras prevèdias in su Regulamentu.

3. Su Presidenti assegurat una informatzioni prebennidora currìgia e profetosa a is Trumas Cunsillaris apitzus de is chistionis de ponni asuta de arrexonu de su Cunsillu Comunali.

4. Su Cunsillu Comunali podit bogai a su Presidenti e a is duus Vice Presidentis, a majoria prena de is componentis, po arresonis grais e giustificadas, o po cunduta chi potzat strobai a s'autonomia de s'Òrganu. S'istantza sprigada est imbiada a su Cunsillu Comunali cun sa firma de a su mancu 1/3 de is Cunsilleris imbordigaus e est iscrita de ufìtziu in s'òrdini de sa dii de sa prima setziada chi benit, impari cun s'eligidura eventuali de su Presidenti nou. Intzaras s'Acorru a su cumintzu est presidiada de su Cunsilleri Bèciu.

Artìculu 24. Istantzas de sindacau scruculladori.

1. Is Cunsilleris a solus o assotziaus tenint su scioberu de presentai preguntas e interrogatzionis chi potzant tenni cumentu ogetu àutus, acontèssius e cumportamentus chi pertocant a s'Enti e a is Òrganus cosa sua, sighendi is maneras acraradas in su Regulamentu.



COMUNU DE CERÀXIUS

STATUTU COMUNALI

Artìculu 25. Cumissionis Cunsillaris

1. Su Cunsillu Comunali podit apariciari unas cumissionis cunsillaris permanentis, cun funtzionis istrutòrias consultivas e proponnidoras, sighendi is prevididuras de su Regulamentu. A su Regulamentu, in prus, tocat acrarì is poderius de cussas, sa apariciadura e publitzidadi de is traballus, cumenti puru maneras de nòminas, poderius, decadèssida, e arremprasu de su Presidenti e de su Vice Presidenti.
2. Is setziadas de is cumissionis cunsillaris funt pùblicas, aforas de is acotèssius cuncordaus de manera differenti de su Regulamentu.
3. Is cumissionis cunsillaris funt furmadas sceti de Cunsillaris, in nùmeru no prus bàsciu de cinqu, eligius de su Cunsillu Comunali de manera de assegurai sa rapresentàntzia proporzionali intre is trumas de majoria e de minoria.
4. Po sa balidesa de is setziadas de is cumissionis cunsillaris est pedia sa presèntzia de sa majoria de is cumponentis de sa Cumissioni.
5. Dònna Cunsillari tenit su deretu de fai parti de a su mancu una cumissioni.
6. A is acorradas de is cumissionis podit èssiri pedia sa partecipazioni de is Dirigentis e, eventualmenti, de su Segretàriu Generali e de su Diretori Generali. In prus, podit èssiri fata, apitzus de allegas scioberadas, s'ascurtu, de manera cullaboradora, de sugetus de aforas.
7. A is cumissionis cunsillaris podint pigai parti chene deretu de votai su Sìndigu, is Assessoris, su Presidenti de su Cunsillu e is Cunsillaris Comunalis chi no faint parti de cussas.
8. Is Cumissionis faint s'esàmini preliminari de is àutus de cumpetèntzia de su Cunsillu Comunali.
9. Funt postas asuta de s'esàmini de sa Cumissioni imbordigada de manera obligatòria, ainnantis de èssiri chistionadas in Cunsillu Comunali, is propònnidas de deliberazioi chi pertocant po lei a sa cumpetèntzia de su Cunsillu Comunali. Cussas propònnidas e totu, de dònna manera, benint imbiadas in Àula po su chistionu, si po calisiat arresoni sa Cumissioni no si siat acorrada o no apat scrucullau a innantis is propònnidas imbiadas.

Artìculu 26. Cumissioni Pari Oportunidades.

1. Su Sìndigu sa Giunta e su Cunsillu depint assegurai oportunidades agualis a is fèminas e a is mascus me is nòminas, me is incàrrigus e me is arreconnòscidas de cumpetèntzia cosa insoru.
2. Cun custa tarea su Comune si imbòrdigat a apariciari cunditziunis de cumbivèntzia tzivili, barighendi dònna manera de discriminazioni cun atenzioni manna bia a is fèminas prìngias o mamas, persighendi una politica de pari oportunidades ispirada a s'allega de su ri-echilibriu de sa rapresentàntzia e de valorizazioni de sa diferèntzia de gèneru.
3. Benit apariciada in su Comune de Ceràxius sa Cumissioni po is Pari oportunidades. Sa Cumissioni est numenada de su Sìndigu e est apariciada aici:
 - a) de is Cunsilleras eligias in su Cunsillu Comunali;
 - b) de una rapresentanti scioberada de dònna truma de su Cunsillu Comunali chi no apant intre is cumponentis Cunsilleras fèminas;
 - c) de una impreada de custa Aministrazioni Comunali.
4. Sa Cumissioni apariciat programas e propònnidas e spratzinat parris apitzu de totus is medidas apariciadoras e normativas arrechèdias po fai tirai totus is tressas chi si ponint in mesu po sa partecipazioni prena e aguali de is fèminas e de is mascus in su traballu pùblicu me is istituzionis, me is ufizius e me is atividadis de su Comune. Sa cumissioni



COMUNU DE CERÀXIUS

STATUTU COMUNALI

aturat in càrriga po totu su tempus de sa Cunsilladura. Is òrganus, is tareas e is arrègulas de funtzionamentu de sa cumissioni ant a èssiri cuncordadas de unu Regulamentu apòsitu.

5. Sa Giunta Comunali podit scrucullai de manera prebennidora sa Cumissioni apitzu de is àutus de indiritzu de amostai a su Cunsillu po cussu chi pertocant stremus bia prus chi totu a is fèminas e prus in generali a s'organizazioni de sa tzitadi.

Artìculu 27. Cumissioni de garantzia e càstiu.

1. Est apariciada una cumissioni cunsillari cun funtzionis de garantzia e càstiu, cun is pròpius scioberus prevìdius po sa apariciadura de is cumissionis cunsillaris permanentis.

2. Su Presidenti de sa Cumissioni de garantzia e càstiu est elìgiu de cussa e totu, in su sìtiu de is membrus scioberaus de is trumas de minoria.

Artìculu 28. Cumissionis de scrucullu.

1. Su Cunsillu Comunali podit apariciai cumissionis de scrucullu apitzu de strobis de sa atividadi aministrativa de s'Enti, sighendi is maneras prevìdias de su Regulamentu de su Cunsillu Comunali.

Artìculu 29. Trumas cunsillaris e cunferèntzia de is Capigruppo

1. Is Cunsillaris pigant parti a trumas cunsillaris.

2. Is trumas cunsillaris funt apariciaus de a su mancu duus componentis.

3. Is Cunsillaris elìgius a solus in listas chi ddoi fiant in is eletzionis podint de dònna manera apariciai una truma autònoma.

4. Benit apariciada sa cunferèntzia de is Capigruppo cunsillaris, cumentis òrganu de consultazioni permanenti de su Presidenti de su Cunsillu Comunali.

5. De sa cunferèntzia faint parti su Presidenti de su Cunsillu Comunali, is duus Vice Presidentis de su Cunsillu Comunali e is Capigruppo Cunsillari o vicàrius insoru.

6. De sa tzerriada de sa Cunferèntzia depit èssiri fata comunicazioni a su Sindigu.

7. Su Regulamentu de su Cunsillu Comunali acrarat is maneras de apariciadura de is trumas e de funtzionamentu de sa cunferèntzia de is Capigruppo.

Artìculu 30. Informatzioni a is Cunsillaris apitzus de is àutus.

1. Is cunsillaris comunalis tenint su deretu de arriciri de is ufizius de su Comune, cumentis puru de is aziendas e entis dipendentis cosa sua, totus is noas e is informatzionis chi tenint, profetas po sa cumpridura de su mandau cosa sua. Custus depint pompiai su segretu in is acontèssius acraras de manera crara de sa lei.

2. Is testus intreus de is deliberationis impreadas de sa Giunta e is determinatyonis de is Dirigentis depint èssiri acessibiles a is Cunsillaris Comunalis a solus in sa Segreteria Generali e puru cun maneras informàticas bonas, cumintzendi de sa dìi a coa de s'apicadura in s'Albu Pretòriu de s'Enti.

Artìculu 31. Decadèssida de sa càrriga de Cunsillari Comunali

1. Sa decadèssida de sa càrriga de Cunsillari Comunali acontessit po ausèntzia ingiustificada cinqu setziadas sighias de su Cunsillu comunali in su petantis de unu annu



COMUNU DE CERÀXIUS

STATUTU COMUNALI

solari.

2. Sa arresoni de decadèssida est cuntestada de manera scritta po parti de su Presidenti de su Cunsillu comunali.

3. Su Cunsilleri tenit su scioberu de produssi is cuntra-arrexonus cosa sua in is tràminis prevìdius de su Regulamentu de su Cunsillu comunali.

4. Su Cunsillu comunali delibèrat apitzus de sa decadèssida de su Cunsilleri sighendi is maneras prevìdias in su Regulamentu.

Artìculu 32. Su Sìndigu.

1. Su Sìndigu spratzinat e arrexonat apitzus de is indiritzus de polìtica amministrativa de su Comune, rapresentat a s'Aministratzioni, cumprit is funtzionis de Ufizziali de Governu, nòminat is componentis de sa Giunta e, intre custos, su Vice Sìndigu.

2. Su Sìndigu incarrerat, ghiat e coordinat a su traballu de sa Giunta comunali.

3. Su Sìndigu tzèrriat e presiedit sa Giunta e subrintendit a su funtzionamentu de is servìtzius e de is ufiziusm cuenbti puru a sa cumpridura de is àutus comunali.

4. Su Sìndigu nòminat, scioberat e bogat a is rapresentantis de s'Aministratzioni aintru de Entis, Aziendas e Istitutzionis, sighendi is caminus scioberaus de su Cunsillu, aintru de is tràminis cumandas de is normas vigentis, ponendi menti a arrègulas chi pertocant sceti a sa professionalidadi pedia po sa cumpridura de cussu incàrrigu specifìcu.

5. No ant a podi cumpriri cussus incàrrigus, de nisciuna manera, cussus chi siant stètius membrus de sa Giunta Comunali in is ùrtimus cinqu annus.

6. Su Sìndigu nòminat is Responsàbilis de is Ufizzius e de is Servìtzius, entregat e scioberat is incàrrigus Dirigentzialis e cussus de cullaboratzioni de aforas e cun unu cuntènniu mannu de professionalidadi, ponendi menti a is arrègulas e is maneras cumandaus de is normas de lei, de su Statutu e de su Regulamentu po s'ordinamentu de is ufizzius e de is servìtzius.

7. Nòminat e bogat a su Segretàriu Generali e su Diretori Generali sighendi sa lei.

8. In acontèssiu de ausèntzia, arrescidura, suspendidura temporànea, dimitiduras temporàneas, su Sìndigu est arremprasau in is funtzionis cosa sua de su Vice Sìndigu, o in acontèssiu de arrescidsura de custos, de s'Assessori prus bèciu de edadi.

9. Su Sìndigu firmat is protocollus de acòrdiu cun is rapresentantis de atras Aministratzionis Pùblicas .

10. Sa rapresentàntzia legali tocat a su Sìndigu o a is Dirigentis, sceti po is acontèssius prevìdius de sa lei.

11. A su Sìndigu tocat su scioberu de aturai in giudìtziu po contu de s'Enti. Issu podit delegai cun àutu cosa sua sa rapresentàntzia in sa sedi processuali a is Dirigentis de su Comune. Po custa ipòtesi su Dirigenti delegau firmat sa procura a is brigas.

Artìculu 33. Programa de mandau.

1. Su Sìndigu apariciat su programa de mandau, cun aintru is progetus e is stremus de apariciat in su petantis de sa Cunsiliadura.

2. Su Sìndigu, aintru de duus mesis de su cumintzu de su mandau, imbiat su programa a su Presidenti de su Cunsillu Comunali, chi depit tzerriai a su Cunsillu aintru de is binti diis sighidoras.

3. Su programa est imbiau, po parti de su Presidenti, a dònna Cunsilleri a su mancu cuìndixi diis ainnantis de sa setziada.

4. Sa cumpridura de su programa de mandau est ogetu de averiguadura e de chistionum,



COMUNU DE CERÀXIUS

STATUTU COMUNALI

in manera particulari in logu de:

- a) aprovatzioni de su balanzu de prevididura annuali e pluriennali e de sa relata previsionali e programàtica;
- b) aprovatzioni de su rendicontu de gestioni;
- c) amparu de is echilibrius de balanzu, de fai cun su tempus inditau de is normas vigentis.

Artìculu 34. Cumposidura de sa Giunta.

1. Sa Giunta, òrganu de amministrazzioni de su Comunu, est apariciada de su Sìndigu e de unu nùmeru màssimu de ses Assessoris, rapresentadoris de ambus duus is sessus, de is cals unu cun sa califica de Vice Sìndigu, numenaus de cussu e totu castiendi is apretus amministrativus de s'Enti.
2. Sa càrriga de Assessori no est cumpatibili cun cussa de Cunsilleri.
3. Su Sìndigu podit bogai a is Assessoris donendi-ddi sa missada a su Cunsillu comunali in sa prima setziada profetosa.
4. Is dimitiduras de is Assessoris funt imbiadas de manera scritta bia a su Sìndigu.
5. Sa Giunta est tzerriada de su Sìndigu o, si no ddoi est o in acontèssiu de arrescidura sua, de su Vice Sìndigu cunforma a sa normativa vigenti.
6. Is setziadas de sa Giunta no funt pùblicas e funt bàlidas cun presèntzia de sa majoria prena de is cumponentis.
7. Is Assessoris pigant parti a is traballus de su Cunsillu e de is Cumissionis permanentis chene deretu de votu e chene pigai parti a su càrculu de su quorum po sa balidesa de s'acorrada.

Artìculu 35. Funtzionis de indiritzu polìticu amministrativu.

1. Sa Giunta cullaborat cun su Sìndigu e traballat atruessu de deliberatzionis collegialis.
2. Sa Giunta cumprit totus is àutus chi imbòrdigant is funtzionis de is Òrganus de Governu chi no siant resguardaus de sa Lei a su Cunsillu e chi no pertochint a is cumpetèntzias, previduias de is Leis o de su Statutu, de su Sìndigu.
3. In prus est de cumpetèntzia de sa Giunta s'arricidura de is regulamentus apitzu de s'ordinamentu de is ufitzius e de is servìtzius, arrespetendi is arrègulas generalis cumandadas de su Cunsillu.

CÀBUDU II. ORDINAMENTU DE IS UFÌTZIUS

Artìculu 36. Critèrius e printìpius de organizatzioni.

1. S'organizatzioni de su Comunu est fundada apitzu de is allegas de fundòriu de distintzioni e cullaboratzioni intre sa funtzioni de governu e sa funtzioni de gestioni.
2. Su Comunu apariciat is ufitzius e su personali in funtzioni de sa entidadi e de sa incolliosidadi de is tareas de s'Enti sighendi critèrius de programatzioni, autonomia, stesiamentu, responsabilidadi e professionalidadi, cun sa tarea de entregai cun s'atùliu e s'eficatzidadi màssimus a is tareas de s'Aministratzioni, a s'interessamentu pùblicu e a is deretus de is tzitadinus, asseguendi lestresa, economicidadi, impartzialidadi e trasparèntzia de su traballu amministrativu.



COMUNU DE CERÀXIUS

STATUTU COMUNALI

3. Su Comunu promovit s'adelantamentu permanenti de is traballadoris cosa sua e aoariciat s'amelloramentu de is traballus de su personali imprendi de manera ratzionali de is risorsas umanas cun s'amodernamentu de is struturas, cun s'alliongiamentu informàticu de is ufitzius e sa aliogniadura e integratzioni cosa insoru a is sistemas informàticus e statisticus pùblicos e cun sa responsabilizazioni de is dipendentis.

4. Is òrganus de governu de s'Enti faint, atruessu de is àutus normativus e aministrativus de cumpetèntzia sua, puru a pustis de sa pregunta de is titularis de sa funtzioni de gestioni, sa apariciadura de is scioberus de caminu, programatzioni e aministratzioni; custus scioberus faint is tareas de s'atividadadi de s'enti.

5. Is oràrius de funtzionamentu de is servitzius e de obèrrida de is ufitzius funt cumandaus sighendi is apretus de is impreadoris, cun s'agiudu eventuali de unu pianu apòsitu de aconciadura de is tempus de su traballu aministrativu. Su Comunu traballat cun sa tarea de apariciai, cuncordendi-sì cun atrus entis, sa integratzioni màssima de si atividadis de portalitu e sa unificatzioni progressiva de is intradas puru de manera stesiada.

6. Su Comunu podit apariciai portalitus e ufitzius apòsitus po torrai sceda a is apretus de is tzitadinus bividoris in is bixinaus prus stesiaus de sa Sedi de su Comunu, castiendi a is apretus territorialis.

Artìculu 37. Regulamentu de organizatzioni de is ufitzius.

1. Sa cumpridura de sa struttura comunali in unidadi operativas est cuncordada, sighendi unu schema apariciadori indullidori, bonu a si cunfromai a is tareas istituzionalis de su Comunu e a is programas de is òrganus de governu, de su Regulamentu de organizatzioni de is ufitzius.

2. Su Regulamentu de organizatzioni, arrespetendi is allegas chi ddoi funt in s'ordinamentu e in su Statutu e in is trèminis cumandaus de is capiduras de balantz, cuncordat:

- a) s'assentu apariciadori de s'enti po cussu chi pertocat a is macro struturas organizadoras-,
- b) is arrègulas e is maneras po s'entrega de is risorsas bia a is medas unidadi organizadoras;
- c) is relatas intre is òrganus de governu e òrganus de gestioni;
- d) sa strintura de is cumpetèntzias intre is òrganus de gestioni;
- e) is arrègulas e is maneras po sa determinatzioni de is oràrius de servitziu, de obèrrida de is ufitzius e de traballu

3. Su Regulamentu de organizatzioni benit mudau e imbordigau de sa Giunta comunali, arrespetendi is arrègulas e is printzìpius de organizatzioni de s'artìculu de innantis, dònna borta chi bessat mellus a ddu aconciat a is funtzionis istituzionalis de s'Enti.

4. Sa mannesa e sa cumposidura professionali de dònna struttura apariciadora funt ogetu de una averiguadura periòdica.

5. Su Sìndigu amostat dònna annu a su Cunsillu Comunali una relata chi pertocat a su stadu de s'organizatzioni, s'acontèssiu de su personali e su scrucullu de sa cumpridura sua castiendi a is tareas istituzionalis e a is tareas de governu.

Artìculu 38. Sa Dirigentza comunali.

1. Sa Dirigentza comunali est furmada de su Segretàriu Generali, de su Diretori Generali e de is Dirigentis.

2. Is funtzionis diretivas agatant una assentadura apòsita in su Regulamentu de



COMUNU DE CERÀXIUS

STATUTU COMUNALI

organizatzioni.

Artìculu 39. Su Diretori Generali.

1. Su Sindigu, apustis de sa deliberatzioni de sa Giunta comunali, podit numenai a unu Diretori Generali, puru a foras de sa cumpridura orgànica e cun cuntratu a tempus determinau chi tenit unu tempus no prus mannu a su mandau cosa sua, sighendi is arrègulas cumandadas de su Regulamentu apitzus de s'ordinamentu de is ufizius e de is servìtzius.
2. Su Diretori Generali cumprit is caminus e is tareas cuncordadas de is òrganus de guvernu de s'enti e subrintendit, sighendi is inditaduras donadas de su Sindigu, a su traballu gestionali de su Comunu persighendi is livellus de primori de eficatzidadi e de atùliu.
3. Su Diretori Generali cumprit is atividades e is funtzionis previdias de sa lei, de su Statutu e de su regulamentu o chi ddi donat su Sindigu.
4. A su Diretori Generali torrant sceda a sa cumpridura de is funtzionis chi dd'ant entregau, is Dirigentis de s'enti o is funtzionàrius titularis de posidura apicali, aforas de su Segretàriu Generali.

Artìculu 40. Is Dirigentis.

1. Is Dirigentis funt titularis de sa funtzioni de gestioni.
2. Is Dirigentis agiudant, in su sìtiu de is cumpetènzias rispetivas, is òrganus de guvernu de s'enti in sa apariciadura de is tareas e traballant po sa cumpridura sighidoras de is scioberus pigaus, pighendi-sì sa responsabilidadi de sa currigidura amministrativa, de s'atùliu de sa gestioni e de is arresultaus imbordigaus.
3. Is Dirigentis apariciant e ghiant s'atividadi de is unidadi operative chi depint fai sighendi s'allega de sa autonomia, cuncordant unas risorsas entregadas, donendi is tareas e is impèrius a su personali, castiendi beni is primoris e is maneras professionalis, impellint sa mobilitadi orizzontali e cumprint totus is atras funtzionis chi a issus funt donadas de sa lei e de is regulamentus.
4. Is Dirigentis in prus de èssiri imbordigaus in sa diretzioni de struturas organizativas, podint èssiri responsàbilis de programas o progetus specifìcus.
5. Is Dirigentis spratzinant totus is àutus de amministratzionis chi pertocant a is cumpriduras de sa strutura de appartenèntzia, cumprèndius puru cussus autorizadoris e de gastu, chi portant unu cuntènniu acapiau o ocasionant discretzionalidadi de genia tènnica, cumentu puru is àutus de cumpridura de is provedimentus deliberadoris.

Artìculu 41. Incàrrigus de Direzioni.

1. Is incàrrigus de Direzioni funt entregaus de su Sindigu cunforma a sa lei, castiendi a is impunnadas e a is abilidadis de traballu, puru po cussu chi pertocat a is arresultaus lòmpius a su cumintzu.
2. Su Sindigu:
 - a) entregat a is incàrrigus dirigentzialis de direzioni e coordinamentu;
 - b) entregat is incàrrigus de direzioni de unidadi operative apariciadas de manera interina po sa cumpridura de programas o progetus cun sa tarea de sa lòmpera de tareas specifìcas;



COMUNU DE CERÀXIUS

STATUTU COMUNALI

Artìculu 42. Cobretura de is calìficas dirigentzialis.

1. Sa cobretura de is calìficas dirigentzialis benit assegurada, sighendi is maneras previdias de sa Lei e de custu Statutu, atruessu de s'intrada a sa calìfica a tempus indeterminau, o puru atruessu moviduras de atrus Entis pùblicos, o puru cun s'entrega de incàrrigus cun cuntratus a tempus determinau.

Artìculu 43. Cuntratus a tempus determinau.

1. Sa cobretura de is calìficas dirigentzialis, de is posiduras de responsàbilis de is servìtzius, de calìficas de spetzializazioni manna podit acontèssiri, cun deliberatzioni sprigada beni, arrespetendi sa normativa vigenti e pompiendi frimus is requisitus pedius de sa calìficas de tenni, atruessu de cuntratus a tempus determinau.

2. Su cuntratu no podit tenni unu tempus de sighidura prus mannu de su mandau de su Sìndigu, si podit rennoi e si podit tirai puru.

Artìculu 44. Segretàriu Generali.

1. Su Segretàriu Generali, arrespetendi is inditaduras chi dd'at donau su Sìndigu, cumprit tarea de cullaboratzioni e funtzionis de assistèntzia giurìdicu-aministrativa bia a s'Enti cunforma a su traballu aministrativu a is leis e a is regulamentus.

2. Su Segretàriu Generali fait dònna atra funtzioni chi ddi donat su Statutu o is Regulamentus o ddi donat su Sìndigu.

Artìculu 45. Vice Segretàriu Generali.

1. S'orgànicu de su Comunu previdit a su Vice Segretàriu Generali cun tareas de agiudu po su Segretàriu Generali e cun is atributzionis cuncordadas de su Regulamentu.

2. Su Vice Segretàriu Generali podit ghiai una de is struturas de s'Enti e cumprit funtzionis de agiudu e de arremprasu de su Segretàriu Generali, arrempresendi-ddu in acontèssius de vacàntzia, ausèntzia e arrescidura.

3. Su Vice Segretàriu Generali est numenau de su Sìndigu.

Artìculu 46. Responsabilidadi e cumportamentus.

1. Su personali de su Comunu cunformat sa cunduta cosa sua a is dèpiris de diligèntzia, lealtadi e impartzialidadi chi calìfichint a sa cumpridura mellus de su traballu e si pigat is responsabilidadi alliongiadas a is tareas cosa sua.

2. Su dipendenti tenit su cumandu de si bogai de su pigai parti a s'arricidura de parris o atividadis, in is acontèssius previdius de su còdixi de cumportamentu de is dependentis de is aministratzionis pùblicas, chi podint ocasionai scunfiantza bia a sa indipendèntzia e impartzialidadi de su Comunu.

3. Su dipendenti traballat ccastiendi a is tareas de s'Aministratzioni Comunali e incurat de manera particolari s'atùliu de is fainas cosa sua, sa cullaboratzioni cun is cullegas suos, sa cumpartzidura de is informatzionis po is tareas gestionalis, sa gentilesa, sa disponibilidadi e sa lestresa bia a is tzitadinus.



COMUNU DE CERĂXIUS

STATUTU COMUNALI

Articulu 47. Scrucullu de gestioni.

1. Su Comunu si pigat is trastus po averiguai s'atùliu, s'eficatzidadi e sa economicidadi de su strmu aministrativu cun sa tarea de otimizai, puru atruessu de interbènnidas lestras de currigidura, sa relata intre gastus e arresultaus.

2. Su scrucullu de Gestioni benit fatu s'ighendi cussu chi est cumandau de is arrègulas apitzu de s'allega.



TÌTULU III. MANERAS DE SCRUCULLU DE AINTRU.

Artìculu 48. Atividadis de scrucullu de su Cunsillu Comunali.

1. Su Cunsillu Comunali averìguat cun su tempus previdiu de s'artìculu 33 sa cumpridura de su programa de mandau sighendi is maneras cuncordadas in su Regulamentu de su Cunsillu.
2. Sa atividadi de scrucullu previdia de sa normativa vigenti est su scioberu chi tocat a su Cunsillu Comunali e a dònna Cunsilleri.

Artìculu 49. Scrucullu de aintru.

1. Su Regulamentu po s'ordinamentu de is ufizius e de is servìtzius, e is atrus regulamentus chi ndi pertocant, previdint sa ativatzioni de su scrucullu de gestioni, de su scrucullu de regularidadi amministrativa e contàbili e de sa valutazioni de is Dirigentis.

Artìculu 50. Cullègiu de is revisoris de is contus.

1. Su Cullègiu de is revisoris de is contus est apariciu de tres cumponentis, eligius cun is maneras cumandadas de s'artìculu 234 de su D. Lgs. 267/2000.
2. Is revisoris de is contus cumprint is funtzionis previdias de is normas vigentis e de is regulamentus e chistionant cun su Cunsillu Comunali in sa sedi de relata periòdica.
3. Is componentis a solus de su Cullègiu de is revisoris tenint deretu de cumpriri scrucullus e càstius individualis.
4. Is revisoris de is contus depint pigai parti, candu ddus tzèrriant, a is acorradas de su Cunsillu Comunali e de is cumissionis cunsillaris po chistionai, o po èssiri preguntaus, apitzu de is allegas de cumpetèntzia cosa insoru; in manera particulari , depint èssiri in àula in su petantis de su chistionu de su balanzu prebennidori e de su contu consuntivu;
5. A is cumponentis de su Cullègiu de is Revisoris podit èssiri pedia sa partecipazioni a is setziadas de Giunta cumentu apoderamentu de sa atividadi cosa sua.
6. Su Regulamentu de contabilidadi cuncordat s'organizazioni e si maneras de funtzionamentu de s'ufitziu de is revisoris de is contus, cumentu puru is sistemas e is relatas de cooperazioni intre s'ufitziu e totu, is òrganus de governu e cussus de gestioni.
7. Is ipòtesis de incompatibilidadi e de inelegibilidadi a sa càrriga de revisori funt cussas previdias de sa normativa vigenti.
8. Su Cullègiu de is revisoris de is contus si cumprit po s'impreu de cumpetèntzias cosa sua de su servìtziu de ragioneria e de su càstiu de gestioni sighendi is maneras previdias in su Regulamentu de contabilidadi.



COMUNU DE CERÀXIUS

STATUTU COMUNALI

Artìculu 51. Cunsillus e Cumitaus de bixinau o de fratzioni.

1. Su Comunu de Ceràxius arreconoscit is bixinaus e is fratzionis cumentis entidadi civicas e territorialis atruessu de is calis si promovit e si amostat sa tarea de fundòriu de sa partecipazioni democràtica. In prus impellit sa acorrada spontziada e sa ativazioni autònoma proponnidora chi bandat a s'arresultau de is strobis de interessu mannu po sa popolazioni rapresentada. Arreconoscit a cussas e totu sa capidura e s'impreu de apariciadi atividades in is setoris de importu sotziali, culturalis, educativa, artistica, sportiva, de amparu ambientali, de promovidura de s'ocupazioni locali e me is políticas giovanilis chene castiai a is religionis, a is parris politicis, de cunditionis personalis e sotzialis, puru atruessu de sa apariciadura de consultas temàticas apòsitas.

2. S'acorrut de is tzitadinus bividoris in unu o prus de unu bixinau o in una o prus de una fratzioni scioberat a su Cunsillu o Cumitau in unu nùmeru mìnimu de cinqu componentis e màssimu de noi.

3. Su funtzionamentu de su Cunsillu o Cumitau at a podi èssiri agiudau de personali de s'Enti e su funtzionamentu cosa sua at a èssiri cuncordau de unu Regulamentu apòsitu.

4. Is Cunsillus de Bixinau funt organismus rapresentadoris de genia boluntaristica. Su Cunsillu de Bixinau pigat parti a is scioberus amministrativus atruessu de sa funzioni consultiva, sa cumpridura de is poderius de iniziativa e sa gestioni de servìtzius e atividades de bixinau castiendi a s'allega de sa sussidiariedadi. Su Cunsillu de Bixinau podit amostai su parri cosa insoru apitzus de balantzus prebennidoris e consultivus annualis e balanzu previsionalis pluriennalis, pianu reguladori e trastus de pianificazioni urbanistica, pianus de viabilidadi e pianus comercialis de interessu generali de su Comunu, obras de urbanizazioni chi pertocant a su bixinau, apariciadura cun localizazioni de is edifitzius imbordigaus eventualis, suspendidura o frimadas de is servìtzius chi aconciant su bixinau.

5. Aforas de is acontèssius previdius de su comma de innantis su Cunsillu de Bixinau podit de dònna manera amostai su parri cosa sua a solu in su s'itiu de is cumpetènzias cosa sua.

6. Is Cunsillus de Bixinau tenint su scioburu de presentai istantzas e propònnidas apitzu de chistionis de interessu de sa Comunità chi rapresentant.

7. S'affilladura a su Cunsillu de Bixinau de su poderiu de gestioni de servìtzius e atividades de bixinau acontessit atruessu de sa cunventioni apòsita.



COMUNU DE CERÀXIUS

STATUTU COMUNALI

TÌTULU V. ISTITUTUS E DERETUS DE PARTECIPAZIONI.

Artìculu 52. Deretu de intrada.

1. Su deretu a intrai a is àutus e a is informatzionis po parti de is tzitadinus est assegurau de sa normativa vigenti.
2. A calisiat sugetu o tzitadinu in prus est arreconnotu su deretu de intrada e de càstiu de is àutus e de is documentus aministrativus chi pertocant puru a cussus, siat pùblicus e siat privaus, chi gestint a is servìtzius pùblicus, sighendi cussu chi est prevìdiu de sa lei.
3. Is maneras de intrada funt disciplinadas de su Regulamentu apòsitu.

Artìculu 53. Deretu de partecipazioni a su procedimentu.

1. A foras de is acotèssius chi sa partecipazioni a su procedimentu est cuncordada de sa lei, su Comune e is Entis e Aziendas Dipendentis depint fai sciri su cumintzu de su procedimentu a cussus chi depint arriciri su provedimentu finali cun efetus deretus e a cussus chi nci depant pigai parti.
2. Cussus chi funt portadoris de interessus, pùblicus o privaus, e is Assòtzius portadoras de interessus tenint su scioberu de si fichiri in custu procedimentu, casumai potzat ocasionai a issus unu pregiudìtziu de su provedimentu.
3. Is sugetus numenaus me is commas de innantis tenint su deretu de castiai is àutus de su procedimentu e de entregai memòrias e documentus, chi s'Aministratzioni tenit su cumandu de scrucullai, si pertocant a s'ogetu de su procedimentu.

Artìculu 54. Comunicatzioni de su cumintzu de su procedimentu.

1. Su Comune e is Entis e Aziendas dipendentis depint donai noas de su cumintzu de su procedimentu atruessu de sa comunicatzioni personali, aundi depint èssiri amostaus:
 - a) s'ufitziu e su funtzionàriu responsàbili de su procedimentu;
 - b) s'ogetu de su procedimentu;
 - c) is maneras chi podint donai sa noa de su procedimentu e podi ligi is àutus;
 - d) sa dii aintru de sa cali si depit acabai su procedimentu e is arresultaus chi si podint tenni in acotèssiu de inèrtzia de s'aministratzioni;
 - e) s'ufitziu aundi si podint ligi is àutus.
2. Casumai, po su nùmeru de is arricidoris, sa comunicatzioni personali no siat possìbili e bessit cumentu grai meda, s'Aministratzioni providit a fai connosci is elementus de is lìteras a), b), c), d), e) de su comma de innantis, imperendi maneras bonas de publicidadi.



COMUNU DE CERÀXIUS

STATUTU COMUNALI

Artìculu 55. Informatzìonis apitzu de su funtzionamentu de is servìtzius.

1. Est assegurada, me is maneras e cun is mesus prus profetosus, a dònna tzitadinu s'informatzioni pibincosa apitzu de su funtzionamentu de is servìtzius, s'inditadura de is cunditziònis e de is requisitus chi funt netzessàrius po nci intrai, is caraterìsticas de is prestatzioni chi podint èssiri pedias a is servìtzius a solus.
2. Me is maneras previdias de is regulamentus crarus su Comunu arreconoscit e consultat is Cunsillus, is Cumitaus e is organizatzioni de is tzitadinus chi si funt apariciaus a solus cun funtzioni de propònnida bia a sa gestioni de is servìtzius.

Artìculu 56. Partecipatzioni popolari.

1. Sa partecipatzioni dereta de is tzitadinus in s'aministratzioni locali si podit amostai atruessu de custus istitutus:
 - a) istantzas e pediduras;
 - b) consultatzioni popularis;
 - c) organismus de partecipatzioni popolari;
 - d) referendum.

Artìculu 57. Istantzas e petizzioni popularis.

1. Est permissa sa presentada de istantzas e petizzioni popularis cun sa tarea de amparai interessus culletivus, o de impelli su stremu deliberadori po parti de su Cunsillu Comunali.
2. Funt sogetus legitimus a amostai istantzas o petizzioni popularis totus is tzitadinus, puru no residentis, is assòtzius e is cumitaus.
3. Sa cumpridura de su deretu de istantza o petizzioni est cuncordau de unu Regulamentu apòsitu.

Artìculu 58. Consultatzioni Popularis.

1. Sa Giunta e su Cunsillu Comunali podint impelli in dònna momentu maneras de consultazioni de sa popolatzioni.
2. Sa consultazioni podit acontèssiri cun setziadas cunsillaris obertas, acorradas pùblicas e referendum consultivus.
3. Su Regulamentu apòsitu cuncordat custa allega.

Artìculu 59. Organismus de partecipatzioni popolari.

1. Su Comunu favoressit e valorizat a is maneras assotziadoras e cooperativas liberas, is organizatzioni de su boluntariu chene tareas de godàngius e impellit a organismus de partecipazioni e stesiamentu de is tzitadinus.
2. Custus organismus de partecipazioni popolari ant a tenni funtzioni sceti consultivas.
3. Regulamentus apòsitus ant a cuncordai is maneras de partecipazioni popolari a is



COMUNU DE CERÀXIUS

STATUTU COMUNALI

organismus a solus.

Artìculu 60. Referendum.

1. Su Comunu favoressit s'istitutu de su referendum consultivu comunali cument manera de partecipatzion ativa de is tzitadinus eligidoris.
2. Su referendum podit èssiri apariciau puru apustis de sa pedidura de unu nùmeru de tzitadinus aguali o prus manna de su duus po centu de cussus chi tenint su deretu de votai.
3. Su referendum, po tenni profetu, at a depi arriciri sa partecipatzioni de sa majoria de cussus chi tenint su deretu de votai.
4. Su Regulamentu comunali apòsitu at a cuncordai s'allega.

Artìculu 61. Titularis de is deretus de partecipatzioni.

1. A foras de cussu chi est prevìdiu po cussu chi pertocat a su referendum is deretus alliongiaus a is trastus de partecipatzioni de is tzitadinus si impreant, in prus chi a is tzitadinus iscritus me is listas eletoralis de su Comunu:
 - a) a is tzitadinus chi no funt bividoris in su Comunu chi gosant de is deretus de eletorau ativu e in cussu e totu cumprint sa atividadi prevalenti cosa sua de traballu;
 - b) a is studiantis chi no funt bividoris in su Comunu chi gosant de is deretus de su eletorau ativu e in custu e totu cumprint sa atividadi de stùdiu me is scolas e universidadis;
 - c) a cussus furisteris chi apant lòmpiu a su de dexotu annu de edadi, presentis de manera legìtima in su territòriu natzionali e bividoris in su Comunu o chi tenint innoi su domitzìliu po arresonis de stùdiu o de traballu”.

CÀBUDU II. S'AMPARADORI TZÌVICU

Artìculu 62. Ufitziu de s'Amparadori Tzìvicu.

1. Su Comunu podit numenai a s'amoaradori tzìvicu.
2. S'Amparadori Tzìvicu cumprit sa tarea de garanti de sa imparzialidadi e de su caminu bonu de sa atividadi amministrativa de su Comunu po amparai is deretus e is interessus de is tzitadinus. s'Amparadori Tzìvicu traballat bia a s'amministratzioni comunali, de is aziendas spetzialis, istitutzionis e entis castiaus de issa, cumentu puru de is cuncessionàrius de servìtziu pùbliku, e interbenit, in prus chi de ufitziu, a pustis de sa pedidura de:
 - personas a solas
 - cumitaus
 - assòtzius
 - personas giurìdicas



COMUNU DE CERÀXIUS

STATUTU COMUNALI

- formatzionis sotzialis

Artìculu 63. Eligidura e acabu de sa càrriga de su Amparadori Tzìvicu.

1. S'Amparadori Tzìvicu est elìgiu de su Cunsillu Comunali a scrucullu cuau e a majoria de is duus tèrtzius de is Cunsilleris ri-assignaus intre is tzitadinus iscritus me is listas eletoralis de su Comunu, chi no tèngiant cunditziunis de inelegibìlidadì e incompatibìlidadì previdias po is cunsilleris comunalis e chi no tèngiant cussa càrriga. Depit tenni sa calificadura e s'esperientzia bona po assegurai indipendèntzia, impartzialidadì, probidadì e cumpetèntzia giuridicu-aministrativa, cunfrimada de unu titulu de stùdiu bonu (làurea a indiritzu giuridicu) e curriculum. Casumai me is primas duas votatzionis no si lompat su quorum de is duus tèrtzius, in sa de tres votatzioni est pedia sa majoria de is cunsilleris imbordigaus.

2. S'incàrrigu de Amparadori Tzìvicu no est cumpatibìli cun sa titularidadì de atras càrrigas pùblicas in su territòriu de su Comunu. No podint èssiri numenaus a s'incàrrigu de amparadori tzìvicu is sugetus candidaus a is ùrtimas eletzionis comunalis.

3. S'Amparadori Tzìvicu aturat in càrriga finsas a s'apomentamentu de su Cunsillu Comunali nou. Issu traballat in regime de perlongu finsas a sa nòmìna de s'Amparadori Tzìvicu nou e, de dònna manera, decadessit sa de cuarantaxincu dìi a pustis de s'apomentamentu de su Cunsillu Comunali; podit èssiri torrau a eligi una segunda borta.

4. Podit èssiri bogau, po incumpriduras mannas e sighias, o po ineficèntzia averiguada, cun provedimentu arrexonau de su Cunsillu Comunali cun sa majoria de is duus tèrtzius de is cumpontis imbordigaus. Decadessit de deretu candu benint a fartai is requisitus po sa eligibìlidadì cosa sua.

Artìculu 64. Poderius.

1. S'Amparadori Tzìvicu est bogau a foras de calisiat furma de dipendèntzia geràrchica o funtzionali po parti de is òrganus de su Comunu.

2. S'innalat, a is òrganus cumpetentis, de iniziativa sua o apustis de istantza de tzitadinus a solus o assotziaus, abusus, fartas, tradus e disfunzionis de s'Aministratzioni;

3. S'Amparadori Tzìvicu:

- a) podit pediri noas, documentus e tzerriai a is dipendentis;
- b) tenit su deretu de informatzioni apitzu de su stadu de is procedimentus e intrat a is àutus de ufitziu chene chi ndi potzat èssiri entregau su segretu, aforas de cussus resguardaus po sa decraratzioni crara de sa lei o po cunsequèntzia de una decraratzioni interina e arrexonada de su Sindigu spratzinada me is acontèssius previdius de sa lei;
- c) podit imbiai arregumandatzionis a is Òrganus e a is Ufitzius Comunalis;
- d) podit impelli au riesàmini de àutus e provedimentus de s'Aministratzioni de is calis si amostit irregularidadì o strobis de legitimidadì;

4. S'arrexonu de su provedimentu aministrativu donat contu a craru de s'arricidura fartada de is inditaduras e is relatas de s'Amparadori Tzìvicu.



COMUNU DE CERÀXIUS

STATUTU COMUNALI

5. S'omitidura, s'arrefudu e su tradu de s'entrega de unu àutu apustis de sollìtzitu scritu de su Amparadori Tzìvicu ant a podi, in ausèntzia de arresoni giustificada, èssiri ogetu de scrucullu disciplinari apitzus de is Responsàbilis.
6. Ainnantis de si pigai is funtzionis suas, s'Amparadori Tzìvicu imprestat giuramentu ainnantis de su Cunsillu Comunali de cumpriri beni e de manera pibincosa a su mandau arriciu in s'interessu de is tzitadinus e arrespetendi sa lei e is regulamentus.
7. Aundi siat profetosu, s'Amparadori Tzìvicu, apustis de dimanda o inditadura de cussus imbordigaus o de iniziativa sua, podit impreai tentas de cunciliadura, de is calis benit relatau su caminu verbali sighendi unu regulamentu apòsitu.
8. Su Sindigu, puru apustis de pedidura de s'Amparadori Tzìvicu, podit amostai a is aministratzionis pùblicas statalis o regionalis, o a entis o aziendas pùblicas chi tèngiant is ufitzius in su territòriu comunali, sa cumpridura de cumbentzionis po permiti a su Amparadori Tzìvicu de cumpriri is competèntzias cosa sua bia a issus. S'Amparadori Tzìvicu acònciat s'atividadì cosa sua cun s'Amparadori Tzìvicu de sa Regioni Sardìnnia e cun s'Amparadori Tzìvicu de sa Provìntzia de Casteddu, puru cun sa tarea de assegurai s'amparu prenu de is deretus e de is interessus de cussus chi faint parti de sa comunidadi tzitadina in su s'itiu de is Aziendas Sanitàrias Localis.
9. Is maneras de cumpridura de s'incàrrigu funt disciplinadas de unu regulamentu apòsitu.

Artìculu 65. Relatas cun su Cunsillu Comunali

1. S'Amparadori Tzìvicu aintru de su 31 de gennàrgiu de dònna annu presentat a su Cunsillu Comunali una relata apitzus de sa atividadì cosa sua chi amostit propònnidas profetosas po straviai abusus, tradus, fartas e disfunzionsi chi at a podi àiri agatau.
2. Issu benit ascurtau de su Cunsillu o de is cumissionis suas dònna tanti o apustis de sa pedidura sua, o puru po deliberatzioni specifica insoru.

Artìculu 66. Ufitzius e mesus de su Amparadori Tzìvicu.

1. S'Aministratzioni Comunali at a depi traballai po agatai una sedi bona po s'ufitziu de su Amparadori Tzìvicu, chi at a podi impreai, po sa cumpridura de is funtzionis cosa sua, de personali e mesus de s'aministratzioni.

Artìculu 67. Tratamentu econòmicu

1. A su Amparadori Tzìvicu tocat su rembursu de is gastus e sa indennidadi de càrriga chi currispundit a cussa de s'assessori delegau.



COMUNU DE CERÀXIUS
STATUTU COMUNALI

TÌTULU VI. ARRÈGULAS FINALIS E TRANSIDÒRIAS

Artìculu 68. Aprovatzioni e mudàntzias de su Statutu

- 1.** S'aprovatzioni de su Statutu e de is mudàntzias cosa sua funt deliberadas de su Cunsillu Comunali cun sa majoria de is duus tèrtzius de is cumponentis in prima votatzioni o puru de sa majoria prena in duas votatzionis sighidoras chi depit acontèssiri aintru de trinta diis.
- 2.** A pustis de s'aprovatzioni de su Cunsillu Comunali, su Statutu est apicau a s'Albu de su Comune po trinta diis sighius e imbiau a su Ministeru de s'internu po èssiri fichiu in sa arregòllida ufiziali de is statutus.
- 3.** Su Statutu intrat in vigori passadas trinta diis de sa apicadura sua in s'Albu de su Comune.

Artìculu 69. Disposiduras finalis e transidòrias

- 1.** Custu Statutu arremprasat is normas statutàrias de innantis, chi funt abrogadas po intreu.
- 2.** Finsas a s'intrada in vigori de is regulamentus nous, si s'inghint a impreai, poita cumpatibilis cun custu Statutu, is arrègulas vigentis a sa dii de intrada in vigori de su Statutu.
- 3.** Is disposiduras de s'art. 34 intrant in vigori in sa Cunsilladura sighidora a cussa de aprovatzioni de custu Statutu.



COMUNU DE CERÀXIUS

STATUTU COMUNALI

Alliongiau “A”.

Stema: *colori azullu, in sa columna posta a sa parti dereta, cun trancafilu e de basi, fundada a pitzu de un'atra basi amanniada, scalinada de duus, cun apitzu sa cruxi latina de tres follas, totu cussu de prata e fundau a cùcuru, cussas basis atruessadas de duas spigas de trigu, colori de oru, decussadas, su fustu de sa columna acapiau de unu sarmentu, impampinau de tres, de birdi, frutau de unu, asuba a sa parti manca, de colori arrùbiu; totu custu acumpangiau de duus mangonis, a su naturali, chi bolant de banda imbasciada, unu a pitzu de s'atru, fichius in su arrinconi a manca de su càbudu e in su costau a manca. Ornamentus de aforas de Comunu.*

Gonfaloni: *drapu spratziu de arrùbiu e de biancu ornau de manera rica de arrecramus colori de prata e carrigau de su stema descritu apitzu cun sa iscrizioni tzentrada in color'e prata, cun sa denominazioni de su Comunu. Is partis de metallu e is cordoneras ant a èssiri de color'e prata. S'asta verticali at a èssiri amantada de tertziupelu de is coloris de su drapu, unu afatu de s'atru, cun pùncias de prata postas a spirali. In sa frècia at a èssiri postu su stema de su Comunu e in su cambu su nòmini incisus. Corbata cun nastrus de tres coloris, cussus natzionalis cun fròngias de colori de prata.*



COMUNU DE CERÀXIUS**STATUTU COMUNALI**

Sumàriu

TÌTULU I. FUNTZIONAMENTU E AUTONOMIA DE S'ENTI.....	2
CÀBUDU I. PRINTZÌPIUS E ARROLU DE S'ENTI.....	2
Artìculu 1. Printzìpius e elementus constitutivus.....	2
Artìculu 2. Printzìpius ispiradoris.....	2
Artìculu 3. Stema e Gonfalonu.....	4
Artìculu 4. Sedi Comunali.....	4
Artìculu 5. Profilus de autonomia.....	4
Artìculu 6. Funtzionis e servìtzius.....	4
Artìculu 7. Carta de is Servìtzius.....	5
Artìculu 8. Adeguamentu a su Statutu de is deretus de su contribuidori.....	5
Artìculu 9. Normas a amparu de is malisanus.....	5
Artìculu 10. Relatas cun Entis e Istitutzionis.....	5
Artìculu 11. Gemellàgiu/Goparàgiu.....	5
Artìculu 12. Deretu a s'informatzioni.....	5
Artìculu 13. Albu Pretòriu de su Comunu.....	6
CÀBUDU II. SERVÌTZIUS PÙBLICUS LOCALIS.....	6
Artìculu 14. Servìtzius pùblicus localis.....	6
Artìculu 15. Aziendas spetzialis.....	7
Artìculu 16. Istitutzionis.....	8
Artìculu 17. Sotziedadis.....	9
TÌTULU II. PRINTZÌPIUS DE ORGANIZATZIONI DE S'ENTI.....	10
CÀBUDU I. ÒRGANUS POLÌTICUS.....	10
Artìculu 18. Òrganus de su Comunu.....	10
Artìculu 19. Su Cunsillu Comunali.....	10
Artìculu 20. Ufitziu de Presidèntzia.....	10
Artìculu 21. Setziadas Cunsillaris.....	10
Artìculu 22. Funtzionamentu de su Cunsillu Comunali.....	11
Artìculu 23. Presidèntzia de su Cunsillu comunali.....	11
Artìculu 24. Istantzas de sindacau scruculladori.....	11
Artìculu 25. Cumissionis Cunsillaris.....	12
Artìculu 26. Cumissioni Pari Oportunidades.....	12
Artìculu 27. Cumissioni de garantzia e càstiu.....	13
Artìculu 28. Cumissionis de scrucullu.....	13
Artìculu 29. Trumas cunsillaris e cunferèntzia de is Capigruppo.....	13
Artìculu 30. Informatzioni a is Cunsillaris apitzus de is àutus.....	13
Artìculu 31. Decadèssida de sa càrriga de Cunsilleri Comunali.....	13
Artìculu 32. Su Sìndigu.....	14
Artìculu 33. Programa de mandau.....	14
Artìculu 34. Cumposidura de sa Giunta.....	15



COMUNU DE CERÀXIUS**STATUTU COMUNALI**

Artìculu 35. Funtzionis de indiritzu politicu amministrativu.....	15
CÀBUDU II. ORDINAMENTU DE IS UFÌTZIUS.....	15
Artìculu 36. Critèrius e printipius de organizzazioni.....	15
Artìculu 37. Regulamentu de organizzazioni de is ufitzius.....	16
Artìculu 38. Sa Dirigentza comunali.....	16
Artìculu 39. Su Diretori Generali.....	17
Artìculu 40. Is Dirigentis.....	17
Artìculu 41. Incàrrigus de Direzioni.....	17
Artìculu 42. Cobretura de is calificas dirigentzialis.....	18
Artìculu 43. Cuntratus a tempus determinau.....	18
Artìculu 44. Segretàriu Generali.....	18
Artìculu 45. Vice Segretàriu Generali.....	18
Artìculu 46. Responsabilitadi e cumportamentus.....	18
Artìculu 47. Scrucullu de gestioni.....	19
TÌTULU III. MANERAS DE SCRUCULLU DE AINTRU.....	20
Artìculu 48. Atividadis de scrucullu de su Cunsillu Comunali.....	20
Artìculu 49. Scrucullu de aintru.....	20
Artìculu 50. Cullègiu de is revisoris de is contus.....	20
Artìculu 51. Cunsillus e Cumitaus de bixinau o de fratzioni.....	21
TÌTULU V. ISTITUTUS E DERETUS DE PARTECIPATZIONI.....	22
Artìculu 52. Deretu de intrada.....	22
Artìculu 53. Deretu de partecipazioni a su procedimentu.....	22
Artìculu 54. Comunicazioni de su cumintzu de su procedimentu.....	22
Artìculu 55. Informatzionis apitzu de su funtzionamentu de is servìtzius.....	23
Artìculu 56. Partecipazioni popolari.....	23
Artìculu 57. Istantzas e petizionis popularis.....	23
Artìculu 58. Consultazionis Popolaris.....	23
Artìculu 59. Organismus de partecipazioni popolari.....	23
Artìculu 60. Referendum.....	24
Artìculu 61. Titularis de is deretus de partecipazioni.....	24
CÀBUDU II. S'AMPARADORI TZÌVICU.....	24
Artìculu 62. Ufitziu de s'Amparadori Tzìvicu.....	24
Artìculu 63. Eligidura e acabu de sa càrriga de su Amparadori Tzìvicu.....	25
Artìculu 64. Poderius.....	25
Artìculu 65. Relatas cun su Cunsillu Comunali.....	26
Artìculu 66. Ufitzios e mesus de su Amparadori Tzìvicu.....	26
Artìculu 67. Tratamentu econòmicu.....	26
TÌTULU VI. ARRÈGULAS FINALIS E TRANSIDÒRIAS.....	27
Artìculu 68. Aprovazioni e mudàntzias de su Statutu.....	27